

# Waut wäarent een Nootfaul to doonen

## Äwasecht

Nootfal haben de Määjlichkeit schwieeja Schoden ve'usoaken to Menschen, leejendoms, de Launtwirtschaft, un de Umwelt. Moak secha du weets wäm to Foon un waut to doonen wäarent een Nootfaul ooda Onjlekj.

## Schutz die seilst

Woo du die selfst un dien Aunveleewda beschutzen woascht wäarent een Nootfaul ooda Onjlekj woat aufhenjen aun de sort Jefoa waut et es.

## Schulinj-em-Plauz

Be'aumpta mäajen väasajen daut du em de Plauz wua du best Schulinj saus finjen (Schulinj-em-Plauz). Wan dit passiet, du wuddst sellen bliewen bie de Städ wua du best un äa Unjerechten nofoljen.

## Nobaschoft

Wan onverhofs Ferheltnissen väakomen, de Menschen waut rom die senn, soo aus dien Nobasch, Metoabeidasch, un Frind sennen ieremol de ieeschta doa. Wan irjentwaut em diene Nobaschoft passiet, froag die selfst disse froagen:

- Wäm woat veleicht Äwatlei halv fälen?
- Wäm kaust du froagen toom dien Hustieren noseenen gon?
- Wäa es utjlieet toom Medizienisch-help jäwen (first aid certified)?

De Menschen em diene Nobaschoft kjanenlieren kaun aulem uthalpen. Wan du noch nich bekaunt met dien Nobasch best, denkj aun utrieekjen un een Aunfank moaken.

## Bliw omweetent

- Moak secha du deis no de Alberta Emergency Alert app opppaussen soo daut du aulentiet de Informazion weets om waut aunjeit.
- Wan du kaus, see diene Nobaschoft äa website no ooda äa social media website (soo aus Facebook, Instagram, usw.) fa irjent oppjefrescht Informazion.

## Rutriemen Tiedinjen ooda Ordnungen

Eenje Nootfal leiden Be'aumpta toom een rutriemen Tiedinj ooda rutriemen Ordnunk rutschekjen.

- **Rutriemen Tiedinjen** woarnt auljemeen Menschen om een Määjlichkeiten Jefoa, ooda jäajenwuatich Jefoa. Een rutriemen Tiedinj kaun häafieren to een rutriemen Ordnunk. Wan een Tiedinj rutjeschekjt woat, du wurscht selle reed moaken toom von Tus rutriemen.
- **Rutriemen Ordnungen** sennen jebuckt wan de auljemeen Menschen motten von de Jäajent veloten fa äa ieejna Sechaheit.

**Rechtungen von Be'aumpta kjenn unjascheetlich senn doano de Nootfaul, un dee kjennen uk haustich endren. Omweetent bliewen aun waut em diene Nobaschoft aunjeit kunn dien Läwen spoaren.**

## Schutz dien Hustieren

Hab een List met Foon Nummasch doaraun jeschräwen fa Tieren Schulinsplaza, Veedoktasch, un Städén waut klotkjes haben toom dien Tieren husen reed fa wan daut wudd fälen. Daut halpt uk wan du een Frint-Sisteem oppstalen deis met een Noba fa wan een von junt oppeenst nich trigj no Hus foaren kjenn om jun Hustia to hoolen.

Een Hustiadroaga oppjepakt haben met Obdach toom schwind näm un gonen doamet moakt secha daut dien Hustia woat haben waut et fält. Moak secha toom een Kolla, Leidlien, jenuach Ätwoa fa 2 Wääkj, un irjent väajeschräwen Medizienen metentalen.

Wan du von Tus rutjeriempt woascht, doo niemols dien Hustia hinjaloten. Mea Informazion aun Hustieren aunreedén kaun jefungen senn aun de [Alberta.ca](https://www.alberta.ca) website.

## Wan doa Tiet es...

Bedenkj disse nokoment:

- Schutz dien Heim, en eenje Ferheltnissen woaren Be'aumpta Unjarechten jäwen doano de Sort Nootfaul ooda Onjlekj. Dee kunn die froagen toom Wota, Häadrot, ooda Gauss utmoaken. Doo nich dien deenstboa (utilities) utmoaken entwäda daut väajesajt wia.

- Saj dien Kontakt waut utem Staut woont waut passieren deit wan du oppeest vom Famielje un Frind utenaunda kjempts. Dee kjenn die methalpen an wada kontakten.
- Lot em dien Postbaks een Zadel un schriew doaraun wua du woascht hangonen un woo see die kontakten kjenn.

## De aunstal fa diene Omjääjenda Rejierunk

Diene Omjääjenda Rejierunk es ve'auntwuatlich fa de auljemeen Sechaheit, Ferheltnissen Bewusstheit, un Väärot vesorjen toom jääjen de Nootfaul schaufen. Oppoat Väärajcht un Ve'auntwuatlichkeiten mäajen jejäft woaren to bestemda Menschen, soo aus de Polizei, Fiawaa Oabeida, Medizienisch Oabeida, un dien Nootfaul Wirtschoft Direkta, soo daut dee äa Oabeit veschlachsom doonen kjenn.

## De aunstal fa de Prowinsiel Rejierunk

Em Alberta, de Alberta Nootfaul Wirtschoft Organisazion (Alberta Emergency Management Agency – AEMA) es de Jeschaft waut em de Prowins Nootfaul wirtschoften Aktiewitee organisieren deit.

Wäärent een schwieeja Nootfaul ooda Onjlekj, AEMA unjastett Nobaschoften derch de Auntwuat leiden un organisieren met aule Rieejen em de Rejierunk. Dit mäajen metentalen:

- Bowenäwa Auntwuat Väärot, soo aus Oabeida ooda Toobehia
- Oppnom Zentrums
- Jesuntheit Deenst
- Jeltväärot fa Nootfal Unjastettunk

## Wie senn aula em dit toop

Doa sennen een Rieej Oabeitsjeschaft, jemeensom Help, un Organisazion (NGO) waut nich von Rejierunk häakomen waut wichtja aunstal Poats haben wäärent Onjlekjs un Nootfal.

NGOs schaufen met Nobaschoft Persoonen, Omjääjent, un Prowinsiel Rejierungen toop om uthalpen. Een poa von de Deenst waut Aunjebott senn metentalen:

- Nootfaul Ätwa, Kjeledie, un Schulinj
- Jefeelsvoll un jeistlich Unjastettunk
- Jesuntheit Sorj Deenst bie Oppnom Zentrums

Von 2019 wieda, de Poatnasch ut de NGO Kaunsel fa Alberta sennen:

- [Canadian Red Cross](#)
- [St. John Ambulance](#)
- [The Salvation Army](#)
- [Adventist Disaster Relief Agency](#)
- [Billy Graham Rapid Response Team Chaplaincy](#)
- [Canadian Global Response](#)
- [Mennonite Disaster Service](#)
- [Samaritan's Purse Canada](#)
- [Team Rubicon Canada](#)
- [World Renew](#)
- [Alberta SPCA](#)

## Fienansiel reedjemoakt

- Wan du von Tus rutjeriempt woascht, hool aul Ressiets toop von irjents bowenäwa Onkosten.
- Schriew een [omstendlich List](#) dol vom aul dien Hab-un-goot.
- Vesto de [7 Stoopen](#) toom een aunieejnen moaken vom dien Heim Inschurens.

De Insurance Bureau of Canada es reed diene fragen be'auntwuaten. Schriew an derch email aun bie [askibcwest@ibc.ca](mailto:askibcwest@ibc.ca) ooda Foon an bie 1-844-227-5422. Fa mea Informazion om diene Inschurens aunjereet haben, sieekj aun dissen website: [ibc.ca](http://ibc.ca).

## Fa mea Informazion

Läs onse aundra Tautsachen Boages aun:

- Wäärent een Nootfaul
- No een Nootfaul

Du kaus mea Informazion finjen om aunjereet senn derch [Alberta.ca](http://Alberta.ca), ooda diene Nobaschoft Director of Emergency Management (Nootfaul Direkta) kontakten.